

民國史料叢刊

728

張研 孫燕京 主編

社會·社會問題

民國十年官僚腐敗史
娼妓問題

 大象出版社

K258.06

3

(728)

民國史料叢刊

728

張研 孫燕京 主編

社會・社會問題

民國十年官僚腐敗史
娼妓問題



大象出版社

圖書在版編目 (CIP) 數據

民國史料叢刊／張研，孫燕京主編

鄭州：大象出版社，2009.2

ISBN 978-7-5347-5439-5

I. 民… II. ①張… ②孫… III. 中國—近代史—史料—民國
IV. K258.06

中國版本圖書館CIP數據核字 (2009) 第022264號

民國史料叢刊

張研 孫燕京 主編

社會·社會問題

總策劃 耿相新

責任編輯 楊吉哲 李光潔

封面設計 劉冬主

出版 大象出版社 (鄭州市經七路25號 郵政編碼 450002)

網址 www.daxiang.cn

發行 大象出版社總發行部 電話：0371-63863551

印刷 北京中獻拓方科技發展有限公司

版次 2009年8月第1版 2009年8月第1次印刷

開本 890×1240 1/32

印張 10.125

總定價 180000.00元

若發現印、裝質量問題，影響閱讀，請與承印廠聯繫調換。

印廠地址 北京經濟技術開發區運成街甲6號

郵政編碼 100176 電話 (010) 67889166

沃邱仲子編

民國十年官僚腐敗史

民國十年官僚腐敗史目錄

公府之黑暗

內務部之弊竇

陸軍部之秘密

司法部之秘密

農商部之內幕

參謀部之冷煖

審計院之秘記

大理院之弊端

蒙藏院之別史

全權烟酒公賣局之底蘊

外交部之營私

財政部之搜刮

海軍部之私黨

教育部之窘狀

交通部之闊綽

將軍府之笑史

平政院之伴食

稅務處之豐富

鹽務署之積弊

女官高等懲戒委員會之異聞

民國十年官僚腐敗史 目錄

二

附司法官懲戒委員會

國史館秘記

附各省通志局

清史館之內幕

幣制處之黑暗

全國水利局之虛偽

步軍統領衙門之煊赫

京師警察廳之勢燄

督軍署之威福

省公署之騙詔

交涉公署之異聞

教育廳之沉沉死氣

財政廳之別開生面

實業廳之黑暗

各關監督署之不可思議

道尹署之奇妙法術

縣知事之刮地皮

貨稅所統捐局之索賄

高等審檢地方審檢廳之舞弊

警察廳固位弄權

附水上警廳各縣警佐

警備隊之笑談

鹽運使署之駭聞

造幣廠之積弊

民國十年官僚腐敗史

沃邱仲子

公府

公府官僚組織之法。開國以來。凡五變矣。因於中央行政制度上。無何等之關係。故人皆以總統之內幕私吏視之。在袁氏時代。元首專柄。故府秘書長之權。直駕各部總長而上。自黃陂以降。元首權漸替。公府各職員。遂亦爲人所輕。中惟秘書長。既參機要。且有時可代表總統與諸方接洽庶務。長以官僚而爲總統經理家事。皆非有密切交情者。不蒙畀任。其他翊衛處。禮官處。侍從武官處。雖不少。闊老若蒙滿之王公。退閒之上中將等。而實際上尙不

如傳宣處之爲人趨奉也。又如顧問諮議等固同一位置閒散。然頻年內外
齟齬疏通奔走端賴羣材。所以高等顧問中其能得各省武人信任暨與在
野名流通氣者待遇又自不同。故此謂名心重者任高等顧問以其苟得機
會可出爲督軍省長也。利心重者任庶務以其可兼任京師稅務或插入財
政機關也。名利雙收者任秘書長以其一量移間必爲闊部總長也。至禮官
侍從等則近於養老院過問者漸鮮矣。
秘書廳不僅掌管文牘。凡事皆得先聞。猶省公署之政務廳也。爲其長者必
元首之心腹。文學政事才所弗計也。以酬應煩劇薪俸不足供用故必兼營
他職。或以子弟分綰腴饒所屬亦分曹辦事。而以書札聯額祭弔文褒勳詞
及題畫序書諸務爲最煩。皆元首私事。恐俗吏不諳故必選前清南書房翰

林一二人爲主任。江湖名士非有內援者莫能久任。若近之丹徒某君。歷兩任總統而不爲人所排擠者。誠罕觀也。亦往往有徵逐於歌場酒肆以傳達機密。自任者。然實不足以擬院秘書廳。惟所受外吏餽遺較豐耳。

公府庶務處長純粹一總統之大管家也。若某任總統時。則庶務長且須兼管其貿易及財產。故俗又以大掌櫃呼之。某甲以前清北省幹吏。任公府庶務員二年餘。遂擁鉅資。則以經手工程故也。歷任庶務長多兼任崇文門稅務。歲須以羨餘鉅萬報効總統夫人。如夫人男女公子等。故諺又稱之爲管家婆。惟黃陂任內毫釐不取云。

傳宣官猶前清督撫之巡捕。得與部院諸官相接消息。靈通故位卑而勢重。外省軍民長官入覲元首者。傳宣處必荐科員荐書記荐軍需及副官等。

故一人任傳宣其家之雞犬皆昇至於府中一應吉凶事件爲各省傳遞信息者則庶務傳宣而處事其中多清代直奉兩督署號房若韓某者奉號房之一也

粵人某任大禮官最久蓋以北洋舊僚曾任奉天監司且通英語也論其職掌不過備外使外人覲見而公府筵宴陳設建築等事苟用西式皆歸其經理故禮官中惟彼之權力爲偉

侍從武官專任趨蹌奔走俸入亦薄所望能出外差少資津貼若派赴各省宣慰或犒軍皆可得優厚之贍儀津人李某初隨西林於粵桂繼由陳二安援入公府其時袁氏接洽龍陸頻遣李將命衆視爲一等紅人焉

國務院

國務院之組織。始於民國元年六月。以各部總長爲國務員。內閣總理爲領袖。所屬則秘書廳。法制。銓叙。統計。印鑄四局也。廳有秘書長。秘書。各局有局長。參事。若僉事。主事。辦事員。則廳局皆有之。而法制局又有編譯。調查。印鑄局。又有技正。技士。乃全國行政之總機關也。然除國務會議外。各部總長對院事。從不過問。故秘書長局長等。祇服從總理。能得總理信任者。視諸總長若弟兄。行甚且勢凌其上。觀徐樹錚。孫洪伊。往事可知矣。爲總揆者。對外交際。本黨之私事。類甚繁劇。每日到院辦公。時間至爲短促。故大柄恆操之秘書長手。近如張志潭等。以陸軍次長而兼院秘書長。蓋以一身當行政軍事之衝。爲各國所未有矣。

中國無以政見集合的政黨。任以何人組閣。所援引之國務員。政見必不能

一致。故國務會議者。不過就本部主管事項。陳述一二。若事關全局利害。則置議者。不過陸財內務諸總長。農商教育司法等第。默默列席。其在弱不喜於事者。更可避不出席。即總理亦無一定之權限。任以文吏。則權絀。任以軍人。則權重。總統與總理親善。則國務員皆能依法行使職權。府院不睦。則事權落於秘書。諸人掌握。往往頻開會議。而不能議決一事。總理能兼陸軍或財政。則勢力尤偉。譬如簡任官之進退。亦國務會議事項之一。實則會議時鮮見提議。一聽元首總揆二人之意見而已。公布之國務院組織法。徒存其名。仍視人爲強弱也。

院秘書廳事繁任重。在府秘書廳上。以印信會計庶務。亦其職掌也。其撰擬命令者。如前清之軍機章京。人欲探刺機密。必與交結。故此輩應酬爲最忙。

監印者無論何項公牘皆得入覽亦便傳送消息會計事本不煩以任總理者多黨魁秘長往往爲之支配黨費因是頗勞籌畫而就中露潤正復不少名爲整理本院庶務實則總理私宅晏會慶弔諸事莫不歸其經理故廳中必有少年精幹漂亮便捷者數輩支柱其間陪侍總理子弟冶游飲博者此輩亦優爲之故雖不必按日趨公而仍得邀上官青睞

法制局掌審定各部院擬訂之法律命令故職權重要此席例爲留學生所有頗易與各部院齟齬圓融者因仿照前清憲政編查館遺法遇事擇其不關緊要者駁易一二條餘皆如議通過此法一行事已清簡編譯員調查員長日無事雍容坐嘯而已

銓叙局猶清之吏部也所司皆例行事惟審查文官資格可上下其手四年

前有虧幣飭緝之吏。資緣官於別省。竟請補知事銓叙局。並無糾正。人有訾之者。答曰。虧幣飭緝案在內財兩部。本局不知也。實則參事中有其姻婭。代爲覆掩。又恩給撫恤。雖不敢變亂多寡。而可緩急。任意待恤。甚殷者。欲求其速議速行。亦非請託不爲功。至核對履歷。驗看憑照。亦不免草率了事。嘗詢之個中人云。前清吏部於各省升遷調補。准駁參半。近之銓叙。有准無駁。核履歷。驗憑照。母乃多事。何怪草率。

印鑄在國務院四局中。銀錢經手事體爲最多。製造公文用紙。刊行公報。法令職員錄。鑄造勳章徽章。印信圖記。胥其職掌也。故於行政上責任較法制諸局爲輕。而與總揆接近。或佔有其他勢力者。每樂就斯席。政府公報篇幅寥寥。而紙張印刷費視坊肆貴至數倍。某任技正時。謂經手督造之勳章徽

章多至萬餘枚。費不應手。祇好偷工減料。語爲項城所聞。特收入公府。比驗至播諸新聞。蜀中某將軍所得勳二位。勳章中嵌珠寶。皆較他人佩者爲巨製。亦精絕。則託人預爲致意也。鑄印爲清代禮部職掌。鑄資無可中飽。故大小一致。無畸輕重者。惟領費少。資津貼。今也不然。鑄工殆不可問。篆法惡劣。尤其餘事矣。

統計局依樣葫蘆。權利至爲微薄。某甲任局長時。欲以統計統一事項。及統計會議事項。操縱各官署。於送核表冊多所糾駁。內財交三部苦其煩苛。爲秘書長言之。未幾甲遂他調。自是相戒毋多事。

外交部

外交部內分一廳三司。外則各省交涉公署及駐外公使領事官等。邇以國

勢危弱不特外侮仰賴友邦之扶持即內訌亦欲斬與國排難解紛外力日益澎漲任總長者必與元首總揆同心合德始克有濟故外部尊貴豐腴亦不居財交之下特專利在總次長司長參事以下不克與交通比肩矣

總務廳分文書統計會計庶務出納五科電報圖書兩處惟庶務會計兩科掌管本部官產官物度支經費及直轄各官署之會計所司經費歲數百萬其闊綽遂爲全部之冠庶務員日往來於利威烏利文六國飯店之間故私居陳設之奇麗煙酒之芳冽大有歐洲貴族之風餘則通商司可干預關稅外債事項所入亦豐然稅權爲稅務處所專外債不能恆借且秘密借款各部自由交涉往往迨事成外部始知大概宜梁敦彥以外務部爲繙譯處矣交際司禮儀接待兩科主招待外賓而每值國慶及諸典禮大譟開支鉅費